

曹日縣志

第七冊

卷十四

人物志中

國朝名賢佳蹟

行誼忠義游寓

仙釋

曹縣志卷之十四

人物志中

國朝名賢

李悅心字澹遠號桐月少樸誠不事華飾年十七從學於郭見田孝廉受業三年通徹四子大義兼明義經奧旨入庠樹幟藝林領萬曆丙午鄉薦教授生徒門下補博士弟子員者五十餘人中甲榜者一崇禎甲戌會試成進士授行人司行人應詔皇華璽書褒嘉秩滿考選徵拜御史疏薦孫傳庭爲督師劾農部尙書李待問褫職舉朝憚之尋奉差巡按陝西甘肅兼

曹縣志

卷十四 人物

一

攝鞏昌學政利興弊革丰采凜然復命轉山西潞安兵巡副使涖任二載致歸林下進諸弟子講課無虛日邑有沿革大政多所佐定親故鄉老不覺其爲顯宦也著有染柳軒集修獻錄

萬惟樞字區木號瞻華愛民次子以春秋中己卯科鄉試順治丙戌進士授刑部陝西司主事初其父爲泰山陽宰生樞於官舍自始生迄成立皆隨父歷任邊隅以故多識古人山川風烈資性聰穎稚年卽勤苦向學弱冠入庠食餼父故益閉戶自精爲邑名士丙子秋闈以足額置乙榜七入棘闈始以卯戌兩科連

捷供職西曹時新增江南一司缺郎中堂官以樞練
達老成本司外兼管江南司印務理繁治鉅劃然立
解體素弱積勞成疾居官一載餘數告病上重其才
留之病益劇復請准回籍調理病痊赴部聽用等語
遂束裝出都至方盛橋疾篤而終壽止五十宏抱未
展士論惜之大抵樞性情端謹不落流俗而于孝友
爲尤篤其母李宜人前吏部尙書襄敏公會孫女蚤
逝痛其不逮養而移其孝于舅氏諱克闡者同居五
載卒爲治喪事長兄惟樞如父樞每以乏嗣爲憂時
相慰藉同居三十年曹州庠生黃奇勲樞之岳父亂
後家徒壁立迎居別墅孫男女各擇名門婚嫁之著
有靜園隨筆水心亭次韻子士煉爲郡諸生讀書不
輟癸丑修志編集之力爲多次子士炯生員戊子寇
變殉難

曹縣志

卷十四 人物

二

樊六雙字一同天資穎異十五歲遊庠讀書風雨不輟
崇禎壬午科領山東鄉薦時二十三歲鬢鬢頗有鬚
觀者咸艷稱之時當計偕會父寢疾雖屢命促裝竟
停轅不赴日侍帷榻藥必嘗而後進父沒諸弟析產
將先業悉讓之荒頓朽敗亦無所取方之薛孟嘗抑
又奇矣數奇蚤折人皆惜之

謝良翰字戴辰號憲南北隅人增廣生員寬厚和易事親曲盡孝道父應元好佳山水遨遊五岳家貧資斧不給良翰設絳帳教生徒每得館金悉供覽勝之資愛二弟析產讓美邑中有大徭役身先之不累諸弟歲大祲開州人郭某攜家至曹嗷嗷待斃憐而止之給以衣食數歲請以女侍執巾櫛報其德固拒之斯時餓殍載道捐貲作漏澤園以掩枯骨經魁郭見田名儒也負笈從遊因明性理之學屢戰棘闈不售晚年課諸子長子日升以歲薦授訓導仲子日章遊邑庠爲增廣生皆有文名盛德之報昌厥後矣戊子盜

賊蠡起爲賊所執罵不絕口而死曹人惜之

武崑源字源長圖功長子孝友天植高朗性成幼侍太僕攻苦下帷故學有淵源文亦酷類太僕早年領袖芹藻聲噪宮牆然被服樸雅謙卑自牧寒士樂從之游事親就養無方不忍暫離每任必千里追隨間爲運籌規畫所至奏績當天啟末年魏璫逆謀已露其父方再入爲白雲司每燕居深念不知所出崑源遣蒼頭一月三至都門勸令遠引遂得改南刑部脫然禍患之外卒爲一代名臣父故恪遵遺訓友愛諸弟花萼交輝析產時讓美居惡曰吾少慣此弟輩生長

富貴何忍以湫隘磽塉貽厥感崇禎十三年大禘捐粟賑隣全活甚衆疇昔逋負一切焚券而德色不形於面蓋仁厚之出於天性者然也平生尙義氣善談論抵掌時務四座風生見明季大變將作灰心仕進日駕下澤驅款段出遊桑陰栢影之下見者不知爲貴介公子也旣歿親友門人私諡之曰文介以表其平生云子姓繁衍長諸生珠聯富於詩卷孫驥四貢預修邑乘

武韜字三畧中憲大夫圖功之孫也幼習七書日記數百言及長姿度軒舉膂力過人善騁馬常佩弓四石

曹縣志

卷十四 人物

四

餘力矢不虛發未冠領鄉薦中順治丙戌會魁賜榜眼及第除山西蒲州參將賞罰嚴明與士卒同甘苦下車未幾值姜襄之變且戰且守屢著奇功己丑二月賊以數十萬騎攻蒲身先將士開門迎敵大破之遇叛黨內應城陷突圍出全軍盡覆時有官舟相迎韜揮淚曰不死封疆非忠也母在而棄之非孝也願決死戰以報君親復入重圍殺賊百餘力屈被執罵不絕口遂遇害督撫上其事奉

旨議恤噫韜以世祿之家獨能守命不渝視死如歸固中憲公之貽謀善也若韜者可謂繩厥祖武者矣

王士鶴字玉羽盤庚人元左丞之後也遊邑庠謙抑粹
穆沈密寡言不妄交游外和而內莊獨居一室嚴若
朝典弟早亡姪女甫一周撫養備至及其嫁也治裝
倍于已女鬻宮壘破產修之明季歲饑開場于城西
之黃冠寺輸粟煮粥全活甚衆喜岐黃術施藥濟人
霍邑侯奉旨磚城分工督催日攜羊酒以勞之役人
感激用命如期告竣性嗜琴築芳園樹名花構草堂
于中竟日垂簾每至海棠月出梧桐露下整襟危坐
一彈再鼓真如嶺上白雲止足自娛不堪持贈者也
石邑侯屢造其廬有盛世巢由之稱都人氏雅重其

品有人澹如菊之譽鄉飲大賓一再舉行以壽終于
家子孫濟濟克世其業長孫瑞尤有文名食餼于庠
黃立誠字居業南隅人天性至孝總角能文出就童子
試爲邑侯石公三畏所亟賞擬薦於府道適聞父病
卽歸侍藥侯屢趣上道且給之資斧竟辭不赴侯深
重之已卯甫登賢書母程氏訃聞號泣徒跣歸哀毀
成疾慟親不及見其成名日與妻陳氏哭奠於主十
年不輟或譏其過制謝曰不自由耳因摘孝經論語
中九題爲九孝文自訟著匪莪篇前後二集行世嘗
手錄歷代古文一冊以禹貢壓卷識者謂過於蕭統

詩歌矢口成律爲文對客揮毫嘗於逆旅得遺金三百兩候其人全畀之於虞城道上見樂工買良家女出囊金贖之遣樸誠蒼頭送歸其父母三上禮闈未第淬勵益堅順治五年李賊陷城抗節罵賊遇害士林惜之

邢素位字居易幼失恃事父以孝承顏順志愛慕不遑性嗜學家貧不克延師隨方負笈不辭艱苦每冬月置兩足棉苧中夏隨月囊螢竊效昔人讀書至夜分始寢弱冠首拔入庠試輒高列旋補增生邑侯蕭公特異之云此生非久屈人下者閱文更加稱賞待以

曹縣志

卷十四 人物

六

國士遇公事大庭談論丰裁凜然中有溫藹之色長兄振乏嗣困匱不給以已所置產與之恪盡弟道值庚辰大禮堂兄素履舉家待斃位推食活其一門教生徒誘掖有方其材堪成就者貧必賙之使不輟業不入市井不入公門篤學力行舉止方嚴翁文衡鴻業舉德行第一扁其門

趙振極字永振號建亭湛寂寞營以典籍爲性命學宗良知文法先秦詩歌類陶靖節制藝以性靈爲本弱冠補增廣生教授生徒環臯比聽講者甚衆於訓誥外發明道理闡揚忠孝俾儒者知聖賢之學及門掇

科第列膠庠者甚衆不得從遊者以爲恥平生弱不勝衣及談說經史氣雄萬夫邑有大總戎權勢赫奕士大爭趨其門獨於振極求一見而不得司道聞其賢獎勵交下兵備道冒公重幣聘修千里吟書成紙價遂騰有流丐蕭媪者攜一女求鬻久之復至曰吾女曾許配於某今索娶奈何振極曰此易耳卽裂券還女不索其值幼事繼母耿氏及撫異母弟拱極曲盡孝友甲申春聞逆闖陷京師脫巾擲地誓不復試順治五年爲李賊所執抗節不屈賊取架上書環體燒之顏色不變曰以此爲殉又何憾焉子儼謀報復

曹縣志

卷十四 人物

七

爲賊黨所殺

竇五龍字秋實明崇禎己卯科武舉授陝西西甯衛鎮海營守備西甯漢湟中古鄯國也萬山環抱三峽重圍紅崖峙其左青海瀦其右逋盜生齒日繁寔西境腹心之禍五龍悉心撲馭由是盜戢民安士飽馬騰及變生陵谷遂瓜種青門惜哉

王勵業字仲乾元左丞茂之裔孝友端方父母蚤逝與季弟父事其長兄勉業食必同席出必連鑣一堂相爲師友各善屬文每試塤簾疊爲壓卷設心制行悉本袁了凡功過格刊布文昌化書太上感應篇凡寶

笈貝函有裨勸化者皆捐貲授梓廣施四方冬月施綿纈百身歲以爲常庚辰出粟濟族人賑養流移捐金製藥餌延名醫以救病者由恩拔銓授推官順治五年除授湖廣常德府以疾告歸平生格言甚多其冢孫生員之標從孫生員之儀佳士也嘗述其訓辭曰子弟習舉業者慎勿學韻語又曰親友以筵會招致乾餽必酬其致謹於學問人情如此

袁本澄字湛如號鑑眉黃埕人明參將一康之長子也靜正寬和寡言笑動處以禮事兩親以孝聞撫愛幼弟分產讓美睦宗黨賙困乏以資財貸人不能償者

曹縣志

卷十四 人物

八

焚券遣之明季歲祲捐米煮粥按籍唱給弱冠補博士弟子員潛心帖括不入公門後援例入國學考授文華殿中書舍人奉差督白蠟數十萬往餉三晉軍時沿邊士卒庚癸頻呼本澄晝夜兼程而進至則撫師而勞之咸歡呼用命計臣上其事 璽書褒美歸家築舍東郊延名士開絳帳教諸郎以舉子業且多治墨莊以爲學殖之具以壽終子嘉棟庠生嘉楫嘉柱俱廩生嘉樞貢監並有才名嘉楫風儀秀舉尤稱白眉焉

王廷礎字國楹元左丞茂之裔幼爲諸生馳名藝苑已

而厭儒冠學萬人敵加銜都司慷慨尚義喜延接賢
豪不畏權貴時邑有帥府伺候顏色者蜂屯蟻聚獨
廷礎不爲少屈輿論譴之至輸資修城捐粟賑濟其
末節也子若槐歲貢

武崙源字源深圖功次子以太學授光祿寺署丞恪共
厥職事親孝親歿祀事雖顛沛不廢寬厚慈愛嫂故
遺幼女取爲己女哺之姪韜身死封疆諸孤資產不
給乃取其少子爲孫錫之田宅與己孫無異庚辰大
稔輸粟濟荒捐金建梵宇爲耆賑之所獨力建大石
橋遺碑在焉明季見事不可爲乃引疾歸後屢徵不

曹縣志

卷十四 人物

九

起 國初邑侯傅公世烈羅公文瑜數請鄉飲大賓
居平取父遺稿壁而藏之戊子之亂文獻灰燼獨白
馬黃石諸篇手澤無恙至康熙辛亥其子烏聯始出
而授諸梓

藍近倫字明仲樂平縣令瑞之孫也少負異才十歲能
文弱冠補邑庠試輒居優爲邑侯張公所賞待以國
士性孝友事親志物兼盡葬祭以禮其待從弟僖同
甘苦者有年讓居趾者有業姪廷獻母卒力不能葬
捐資助其棺槨友劉某歲稔不克舉火賙其困乏遇
避亂之史臣歸其喪於里有盜竊之鄉人釋其惡不

問以非禮相加者曰此某不德弗克敦睦所致卒不與較爲人寬厚慈和安貧守道雖遭土寇之亂而無所傷蓋亦積德之報云子璵生恪守庭訓讀書務心得不屑爲章句之學邑增廣生

石志甯字武子續之子生有別才負奇氣喜讀未見書寓目成誦爲文博奧奇崛古色陸離弱冠入庠屢試冠軍補餼廩屏居下帷孝事二親幼弟州宗早歲餼於膠庠爲一時名士有從姨母貧而老志甯入庠冠裳往謁伏拜土榻之下其力敦古道自少已然庚辰邑侯郭公萬象聘修邑乘廣搜博採不遺餘力纍纍曹縣志

卷十四 人物

十

數十萬言半出其手卒年七十一歲有批點詩經春星堂集行世

萬士元字懋德南昌人從叔惟檀世籍曹因來省視遂家焉性嗜書澹泊寡營爲文洗洋自恣有一瀉千里之况弱冠就試督學湯公道衡見而奇之曰此大江以北韓陵片石也以首卷拔入膠庠試常冠軍旋食餼家貧設帳從遊者履滿戶外如樊孝廉六雙武明經濟源史文學書名等指不勝屈順治辛卯科領山左鄉薦百計未遑卽扁舟南下省墳墓塋田逼窄重資購其旁地託族人歲收其租以備祭掃姪宣和孤

苦無依附舟攜歸付百金以資懋遷母事寡嫂子畜
姪女未仕而卒士論惜之子晟昂并入邑庠

朱廷瑄字輯五號信宸北隅人性孝友曲體父志事繼
母得其懽心家頗饒曰天既厚我衣食之餘當以博
濟爲事見長兄廷揚產薄乏嗣助地五十畝爲之過
嗣以繼其後仲兄廷璽產益薄助地三頃囑曰久食
之吾子孫無與也族人榮家貧不能舉火瑄嘉其有
志讀書給衣食進而教之卒爲諸生友人劉清之糊
口無資贖其乏困鄉人有謝恩者鬻妻以自活廷瑄
憐之代償其金俾夫婦完聚諸如恤鰥寡救急難可
謂好善樂施者矣以生員授訓導髦年而終子二伯
維孔仲維城俱庠生兄弟同居三十餘年有張公之
風焉人以爲善人之報云

李伯臣字柱星沛郡人生而穎慧讀書數行並下理有
堅深難曉者一經過目洞徹無餘弱冠遊宛庠順治
丁酉舉鄉薦成辛丑科進士殿試二甲考授推官會
試制義價重雞林丰姿秀異儀度閒雅與人接訥訥
如不出口謙謙如不勝衣人愛而敬之曰宛如張緒
當年也母早逝事繼母曲盡孝道待異母弟友于之
誼有加無已書法勁道追踪右軍詩句清新繼美開

府年三十三病卒曹人莫不惜之

趙萬化字晉明黃埭人曹南望族博學洽聞掇青衿蠶廩餼丰度從容辭有條理事兩尊人先意承志未嘗富厚驕人嫻睦任恤時人咸以山斗仰之 國朝順治二年除授江西瑞州府經歷蒙按院吳疏薦餼冷生塵而勤勉乃事所當薦揚以備大用本府正堂薦語兢兢守法業業任事本府節推薦語理繁治劇之才執玉捧盈之度本省臬司薦語克贊股肱勤勞爲最順治五年因鞅掌簿書勞瘁成疾解組賦歸適邑有大獄乃條陳便宜十四事上於代巡馮一一施行

曹縣志

卷十四 人物

三

甚有益於地方邑侯五次延致鄉飲大賓八十四歲終五子四列青衿

石州牧字惠子其父紹博學長厚工於於填詞州牧恪遵義方成童卽馳譽藝林弱冠入庠旋補餼廩父歿柴毀骨立見者墮淚感庶母柳氏鞠育之恩事之敬養備至幼弟文秀患痘焚香祈天願以己子代撫文秀成立入邑庠其友愛爲彌篤也嘗於縣治側見遺金一函急以足掩之立待失者驗實與之然後歸他若斥裊宗以成就族孀張氏之節捐逋負以保全佃戶馬金之女懿行甚多順治十六年以恩例膺歲薦

晚年愈謙和有守邑侯屢旌其第卒年七十七歲邑人私謚之以志景慕焉

王鎮遠字性生號燕銘盤庚人幼業儒後習兵法中己卯武舉順治三年署喜峯口守備調停互市輯睦有方寔授甘肅水泉堡

誥封宣武將軍撫羌人修水利興學政兵民戴德陞江西贛州府都司十六年海寇倡亂饒州賊程九思聚眾應之號十餘萬據浮梁破景德鎮將攻南昌是時鎮遠所將兵纔千人督撫命一半駐防一半出勦士有難色鎮遠曰兵不在多顧用之何如耳昔狄青將

軍以三鼓奪崑崙豈用多哉于是晝伏宵行夜半奪景德鎮斬首數千賊驚曰此飛將軍也裸體遁克浮梁遂守其城未幾賊以強弩數萬來攻守將某欲降鎮遠大罵曰吾自南昌分兵時五百人已登鬼錄矣豈肯從女反耶率所部軍出城鏖戰自辰至未七戰皆捷忽入重圍勢將危風雨驟至賊奔冒雨長驅殺戮以萬計九思就撫賊遂平督撫上其功署南贛副將旋陞山東沂鎮遊擊甫蒞任卽有余七之變會諸鎮兵圍棲霞山勇往先登直破其巢已蒙紀錄將有懋賞痰病作解組歸越四年而卒

高鵬南字溟池號養六大義人性謙和與人處藹然如坐春風中居兩親喪三年不飲酒不茹葷苦志雞窻早有文名盧邑侯設絳帳延爲幕賓歲獲束金分諸姪以贍其家己卯科中式第三名成丙戌科二甲進士初授工部主事分司夏鎮修運河功成而民不勞是時曹邑遇李賊之變門生故知短褐重繭而至者悉解衣衣之推食食之比其反也皆滿其願以歸園丁某其妻被掠捐俸代贖使之完聚差滿入京陞福建福甯道參議康熙六年以病終其子曠拔貢生孫其枋庠生其枚監貢

武星聯字虞瑞號拙齋岷源之長子也端方自持貞介有守親歿春秋霜露之感輒唏噓流涕推孝親之心友于兄弟幼弟有過嗣者所遺之產悉分諸弟己無取焉異母弟月聯撫養而教誨之婚娶畢讓以美產真所謂本事克敦者遊邑庠五十餘年儉以自奉孝以事親公以服物慈愛以接昆弟律之成人良不愧云

王廷栢字擎玉盤庚人性穎慧弱不好弄尊父命承嗣二門父逝禮不敢越而哀感過之援例補太學生築精舍聚書萬卷博學強記日以著述爲務明季大歉

恐宗人流離輸粟數百石就祠堂按籍而口給之一族無菜色者戊子之變見幾而作遨遊于吳越山水間可謂明哲保身者矣越二載倦遊而歸隱居於城南土山不履城市梅放策小蹇以踏雪邀白衣而問酒高致逸韻不減陶孟當年也羅邑侯欽其齒德延爲鄉飲大賓

王振英字曜谷號景熙幼失怙同兄振藻事母以孝及母年老病劇醫藥弗效共兄齋誠泣禱各願借五歲以益母壽病旋愈遲十年母終驗之泣禱之日不爽晷刻與兄晰箸讓美居惡姪女適儒士張握名貧無

所依時饋遺不輟爲買田三十畝至今猶食其福姪庠生王延壽病故撫恤其子門戶差徭代爲籌畫凡十七載族人不能婚葬者竭力助之衣食不給者贍之族中賴以舉火者衆焉甥李春芳以庫吏沒官銀追比嚴亟如其數代償事平不言及食餼三十年貢授濟南府學訓導見兩廡諸賢主名盡失慨然曰居是職不克使士子識先賢名氏過孰甚焉乃盡考其實重新之復補新城訓導年近古稀告歸子大儒大佐并餼於庠有聲

劉澤深號繼鉉長厚濟美有萬石君家風崇禎時由國

學筮仕鴻臚寺序班儀度雍雅上大悅之超遷本寺左少卿恩錫誥命爲奉直大夫追封二世如其爵居官恪慎屢蒙優獎四宣勅命奉詔舉賢良方正遂舉姪壻吳國榮一時稱其知人疏請移封繼母蕭氏爲宜人通國服其至孝懷宗夙夜焦勞召諸大臣咨訪時事於便殿澤深與焉宴賜甚厚丁生母艱號慟泣血感動戚里服闋會金陵擁立宏光公推補鴻臚寺正卿晉階中憲大夫享壽七十一歲恭敬和易之風闔邑頌之

馮似玠字介玉別號鐵菴文學有聲虛心好問手錄成

曹縣志

卷十四 人物

六

帙好與有道長者遊明末高傑兵變玠母喪停柩東郭獨爲哭守亂兵猝至哀泣倍切羣憐之相率解去國初乙酉入闈誤中副車益肆力於學兼以詞翰知名雅慕孟津王宗伯書摹之得其渾脫常赴舉逆旅困乏購紬素數十倣宗伯書貨之一刻而盡取其貲爲友人貰酒名益噪數益奇強仕方餼於庠憫其弟珮單寒甘以己產分與長兄瑀乏嗣欲以中子爲繼恐傷兄意委曲成之於鬻西水涯結茅居之題曰小武陵歌嘯其中著有鐵菴草

程友張字濂儒廩膳生性至孝每逢父母忌辰必素服